

喝玲瓏，賣什細。(in 台史博)

By 張浚欽 2017/06

(玲瓏鼓響起！吆喝聲！聲音由小而大，由遠而近) 喝玲瓏，賣什(tsáp)細！ 喝玲瓏，賣什細！！

(兩塊竹板或三塊板 輕拍節奏)

喝玲瓏，賣什細，街頭巷尾四界𪗇(séh)！

玲瓏鼓，𪗇玲瓏；玲瓏鼓，玲瓏𪗇；今仔日來到貴寶地，備辦的貨色真正濟(tsē)。看汝欠啥(síánn)貨，倚(uá)來看，緊來買！

囡(gín)仔兄，囡仔姊； 嬌(su í)姑娘仔(á)阿美仔姊，
緣投仔生 (sàng，音同閩南語“送”；即日文的 様さま sama,)，少年家，
請恁(lín)來遮(tsia)坐，
阮的(è)雜貨仔擔，細罔細，恁愛的物件攏有款齊(tsiâu)齊(tsê)。

胭脂水粉，鉸(ka)刀 針指(tsáinn)，針線恰(kap)膨紗，五花十色攏有賣。
齒抵(bín)是用豬鬃做(tsuè)，
蠓(báng)仔香(hiunn)，番仔火，緊來買一个(ê)，
免予(hōo)蠓(báng)仔叮到抓(liàu)更(koh)扒(pê)

十七十八細阿姊 (se â tse，客語，姑娘、小姑娘 的意思)，
柴梳(sâ se) 蝨篋(sat pìn)捋(luáh)頭毛
芳(phang)雪文(法語 savon)，提(théh)來洗，予(hōo)汝身軀(sin khu)芳規暝。

眉筆畫目眉，齒粉抵喙齒，喙唇點胭脂，膨粉抹喙賴(tshuì phué)；
紅喙唇，白喙齒；兩蕊目珠會講話，
手鏡提來照看覓(māi)，第一嬌，著是你一个(ê)！

欲出門，明星花露水，加減共(kā)捫(hiù)一下，
包你迷倒規庄的少年家！

(吆喝聲！) 來喔！來喔！ (兩塊竹板或三塊板 輕拍節奏)

慢慢仔看，輕輕仔提；有恰意，才(tsiah)來買。
雖然是小生理，賣什細，毋過阮是公道伯；
價數無亂開，攏是大賣價；
若欲買，免講價，做汝提，放心仔買，
品質保證，價數公道，阮是頭一个。

緊來看，緊來買！ 今仔日(kin á jít)汝若失機會，著愛等到後個月。

(玲瓏鼓響起！吆喝聲！聲音由大而小，由近而遠) 來喔！來喔！

喝玲瓏，賣什細！ 喝玲瓏，賣什細！！